

6 января, предпразд Рождества Христова. Прмц. Евгения Римская

**6 января, предпразд Рождества Христова.**

**Прмц. Евгения Римская**

## **ВЕЧЕРНЯ**

**Стихиры на «Господи, возвах»**

**Канонарх:** Глас 5, Гóсподи, возвáх к Тебé, услýши мя.

**Лик:** Гóсподи, возвáх к Тебé, услýши мя./ Услýши мя, Гóсподи./ Гóсподи, возвáх к Тебé, услýши мя:/ вонмí гласу молéния моего,/ внегда́ возвáти ми к Тебé.// Услýши мя, Гóсподи.

Да испрáвится молíтва моя,/ я́ко кади́ло пред Тобóю,/ возде́яние руку́ моéю/ жéртва вechéрняя. // Услýши мя, Гóсподи.

**Предпразднство Рождества Христова на 3**

**На 6, стих:** А́ще беззакóния на́зриши, Гóсподи, Гóсподи, кто постои́т? / Я́ко у Тебé очищéние есть.

Но́сиши Ада́мов зрак,/ во óбразе Бóжии Сый всесовершéнный,/ и хóщешу рука́ми держáтися,/ руко́ю вся содержáй си́лою Твоéю,/ Чíстая Всенепорóчная провещавáше глаго́лющи:/ ка́ко Тя пеленáми повию́ я́ко Младéнца,/ ка́ко сосца́ми питаю́ Тя, вся́ческая пита́ющаго,/ ка́ко Твоéй па́че ума́ нищете́ удивлю́ся,/ ка́ко Тя Сы́на Моего́ нареку́, Раба́ Твоя́ ны́не сýщи?/ Пою́, благословлю́ Тя,// пода́ющаго ми́ру вéлию ми́лость.

**6 января, предпразд Рождества Христова. Прмц. Евгения Римская**

**Стих:** Имене ра́ди Твоего́ потерпѣх Тя, Го́споди, потерпѣ ду́ша моя́ в сло́во Твое́, /

упова́ ду́ша моя́ на Го́спода.

Младѣнца, воплоща́ема из Нея́, / предвѣчнаго Бо́га, Всенепоро́чная зря́щи, / рука́ми держа́щи, и облобыза́ющи ча́сто, / и ра́дости исполня́ющися, провещава́ше Ему́: / Бо́же Вы́шний, Царю́ Невидимый, / ка́ко зрю Тя и разумѣти та́инства не могу́, / безме́рныя нищеты́ Твоея́? / Верте́п бо малѣйший и сей чу́ждий / внутрь вмеща́ет Тя, ро́ждшагося, / и дѣвства нерешивша, / ложесна́ соблю́дшаго, я́ко прѣжде рождества́, // и даю́щаго ве́лию ми́лость.

**На 4, стих:** От стра́жи у́тренняя до но́щи, от стра́жи у́тренняя, / да упова́ет Изра́иль на Го́спода.

Сия́ ра́бски Чи́стая, ужа́сно веща́ющи, / услы́шаше волхво́в пред верте́пом, / кúпно предстоя́щих, и к ним рече́: / Кого́ ищите вы? / Я́ко ви́жду бо, от инода́льныхя страна́и приидо́сте, / пе́рсска́я о́браз и мудрова́ние иму́ще. / Странен исхо́д и ше́ствие сотвори́сте / и к страна́нствовавшему свѣ́ше / и страна́но в Мя́ Всельшемуся, я́ко весть, / со тща́нием приидо́сте / Тому́ поклонитися, / да́рующему ми́ру ве́лию ми́лость.

**прмц. Евгении и с нею мчч. Прота, Иакѣнфа и мц. Клавдіи на 3**

**Глас 8: Стих:** Я́ко у Го́спода ми́лость, и мно́гое у Него́ избавле́ние, / и То́й изба́вит Изра́иля от все́х беззаконій его́.

Ми́ра оста́вльши красоту́, / ду́ши благо́родіе, / благо́родія́ свѣ́ше / доброта́ми уясни́ла еси́, / Евге́ние всехва́льная, /

**6 января, предпразд Рождества Христова. Прмц. Евгения Римская**

образа благодать немутну житиём сохранивши,/ мученице  
непобедимая,/ девства забрало Боговидно// и цвете  
естества всеблагороднейший.

**На 2, стих:** Хвалите Господа вси языцы, /  
похвалите Его вси людие.

Словом, и житиём, и благодатию,/ и терпением души  
украшившись,/ привела еси страдалец воинства/ и дев  
соброт от Девы Возсиявшему/ и свидетельства яве  
Отверзшему всем вход,/ Евгение всеумудрая,/ с нимиже и  
ныне Сего умоли// спасти стадо твое.

**Стих:** Яко утвердися милость Его на нас, /  
и истина Господня пребывает во век.

Правды Строитель/ тя, яко деву чисту/ и яко славному муче-  
ницу,/ сугубыми венцы благолепно украси,/ красен чертог  
тебе даровав,/ светоявленными просвещенный,/ идеже  
вселившись,/ вечнующим, невесто Христова,// ныне бла-  
женством яве обогатилася еси.

**Слава и ныне, глас 2:** Слава Отцу, и Сыну, и Святому Духу.  
и ныне, и присно, и во веки веков. Аминь.

Се время приближися спасения нашего,/ готовися,  
вертепе, Дева приближается родити;/ Вифлееме, земле  
Иудова, красуйся и веселися,/ яко из тебе возсия Господь  
наш./ Услышите, горы и холми и окрестныя страны  
Иудейския,/ яко грядет Христос,/ да спасет, егоже созда,  
человека,// яко Человеколюбец.

**Стихиры на стиховне**

**Предпразднство Рождества Христова на 3**

**6 января, предпразд Рождества Христова. Прмц. Евгения Римская**

**Канонарх:** Глас 1, Дáры Тебé приносяще, Сýне

Дáры Тебé приносяще, Сýне,/ цáрие приидóша востóч-  
нии,/ царя́ Тя увéдевше родítися,/ ливáн, и смíрну, и  
злáто,/ и сé стоят пред двéрьми./ Сим повелí вíдети Тя,  
Младéнца,/ на руку́ Моёю держíма,// дрéвняго Адáма ста-  
рэйша.

**Стих:** Бог от юга придет /

и Святýй из горы́ приосенённыя чáщи.

Приидíte, вни́дите со тцáнием,/ Дéва речé дрéвле  
волхвóм,/ и вíдите Невíдимаго,/ вíдима явльшася и  
Младéнца бýвша./ Онí же со усérдием внидо́ша, и  
поклонíшася,/ и дáры принесóша,// прорóчество  
Божéственное испóлнивше.

**Стих:** Гóсподи, услýшах слух Твой и убоя́хся; /

Гóсподи, разумéх делá Твоя́ и ужасóхся.

Ношú Тя я́ко Младéнца рука́ми,/ вся́ческая нося́щаго,/ и  
удивля́юся, глаго́лаше Нескусобра́чная:/ ка́ко Тя млекóм  
воспита́ю,/ пита́ющаго вся, Сýне Мой и Тво́рче Мой?/  
Слáвлю Твоё безмёрное к челове́ком снизшéствие,// íмже  
спаса́еши мир погибáющий.

**Слава и ныне, глас 6:** Сла́ва Отцú, и Сýну, и Святóму Дúху.

и ны́не, и прíсно, и во вéки веко́в. Ами́нь.

Сиóне, торжествúй,/ Иерусали́ме, веселíся,/ гра́де Христа́  
Бо́га,/ поды́ми Зиждíтеля, в верте́пе и я́слех  
вмещáемаго,/ отвéрзите мне врата́/ и, вшед в ня, узрú я́ко  
Младéнца, пелена́ми, повивáемаго,/ длáнию же

**6 января, предпразд Рождества Христова. Прмц. Евгения Римская**  
содержащаго тварь,/ Егóже пою́т А́нгели непреста́нным  
гласом,/ Жизнода́вца Го́спода,// спаса́ющего род наш.

### **Тропари**

**Тропа́рь на́вечерия Рождества́ Христо́ва, глас 4.**

Написава́шеся иногда́ со ста́рцем Ио́сифом,/ я́ко от се́мене  
Дави́дова, в Вифле́еме Мари́ам,/ чревонося́щи  
безсе́менное Рожде́ние./ Наста́ же вре́мя рождества́,/ и  
ме́сто ни еди́ноже бе обита́лищу,/ но, я́коже кра́сная  
пала́та,/ верте́п Цари́це показáшеся.// Христóс ражда́ется  
пре́жде па́дший воскресíти о́браз.